

MALAYSIA
DEWAN RAKYAT
ATURAN URUSAN MESYUARA

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 10 JUN 2015, PUKUL 10.00 PAGI

Bil. 31

PERTANYAAN-PERTANYAAN BAGI JAWAB LISAN

1. PR-1332-L67796
Dato' Othman bin Aziz [Jerlun] minta **PERDANA MENTERI** menyatakan program-program yang telah dirangka oleh Institut Keusahawanan Negara (INSKEN) bagi mencapai KPI Bumiputera 2015 dan apakah peranan Majlis Penasihat Industri INSKEN yang telah ditubuhkan bagi membantu golongan usahawan Bumiputera.
2. PR-1332-L67863
Dr. Lee Boon Chye [Gopeng] minta **MENTERI PERDAGANGAN ANTARABANGSA DAN INDUSTRI** menyatakan pendirian Malaysia terhadap TPPA (Trans-Pacific Partnership Agreement).
3. PR-1332-L68380
Datuk Liang Teck Meng [Simpang Renggam] minta **MENTERI PERTANIAN DAN INDUSTRI ASAS TANI** menyatakan apakah inisiatif Kementerian dalam memberi pendedahan awal kepada generasi muda terutamanya dalam bidang kerja sebagai nelayan dan bentuk inovasi dalam bidang ini supaya tidak bergantung kepada cara tradisional semata-mata.
4. PR-1332-L69391
Dato' Haji Mahfuz bin Omar [Pokok Sena] minta **MENTERI PELANCONGAN DAN KEBUDAYAAN** menyatakan berapakah jumlah kemasukan pelancong asing ke Malaysia dari Januari hingga Mac 2015 berbanding pada tempoh yang sama pada tahun 2014 dan nyatakan negara tersebut dan jumlah pelancong setiap negara.
5. PR-1332-L68480
Datuk Seri Noh bin Haji Omar [Tanjong Karang] minta **PERDANA MENTERI** menyatakan berapakah jumlah rumah di bawah kelolaan PR1MA yang telah dibina di negeri Selangor serta kekangan-kekangan yang dihadapi dalam memastikan rumah tersebut berjaya dibina.

6. PR-1332-L69050
Tuan Ng Wei Aik [Tanjong] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan setakat mana ketetapan DUN telah diperolehi daripada setiap negeri bagi memberi kuasa kepada Menteri melantik Pengerusi dan anggota-anggota Tribunal Pengurusan Strata dan agar bilanya dijangka Akta Pengurusan Strata 2013 dapat dikuatkuasakan.
7. PR-1332-L67629
Dato' Wira Othman bin Abdul [Pendang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah Kerajaan sedar bahawa Syarikat Shell melanggar undang-undang *anti-trust* dengan memaksa stesen-stesen minyak Shell menjual makanan dan minuman yang dikehendaknya sahaja dengan mengeneipkan keluaran bumiputera.
8. PR-1332-L68586
Puan Nurul Izzah binti Anwar [Lembah Pantai] minta **MENTERI KEWANGAN** menyatakan bagaimanakah Kerajaan akan mengatasi krisis pencen yang akan bakal melanda negara ini, berikutan data KWSP yang menunjukkan, 80% pekerja yang akan meningkat usia 55 tahun pada tahun ini tidak akan mempunyai cukup simpanan untuk hidup di atas garis kemiskinan.
9. PR-1332-L67815
Datuk Sapawi bin Ahmad Wasali [Sipitang] minta **MENTERI KEMAJUAN LUAR BANDAR DAN WILAYAH** menyatakan berapa banyak Pusat Transformasi Luar Bandar (RTC) yang sudah diwujudkan di seluruh negara dan apakah ada cadangan untuk memperbanyakkan pusat RTC di Sabah dan Sarawak.
10. PR-1332-L68660
Tuan Haji Nasrudin bin Hassan [Temerloh] minta **PERDANA MENTERI** menyatakan perkembangan terkini Projek Perumahan Penjawat Awam 1Malaysia (PPA1M).
11. PR-1332-L67518
Datuk Koh Nai Kwong [Alor Gajah] minta **PERDANA MENTERI** menyatakan apakah tindakan yang diambil oleh Kerajaan untuk menangani jurang pendapatan antara golongan berpendapatan tinggi dan berpendapatan rendah di negara ini. Adakah Kerajaan akan menyelaraskan semula Paras Garis Kemiskinan (PGK) seiring dengan kos sara hidup rakyat yang meningkat.
12. PR-1332-L68443
Dr. Hajah Siti Mariah binti Mahmud [Kota Raja] minta **MENTERI KEWANGAN** menyatakan adakah Kerajaan melalui Bank Negara bercadang untuk melonggarkan syarat-syarat melayakkan pinjaman untuk pembelian rumah mampu milik.

13. PR-1332-L68609
Dr. Mansor bin Abd Rahman [Sik] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan berkaitan harga minuman di kebanyakan restoran-restoran atau kedai-kedai makan didapati tidak seragam dan mengenakan harga yang tinggi. Adakah pihak Kementerian mempunyai satu mekanisma yang khusus bagi menyeragamkan harga minuman yang disediakan oleh restoran atau kedai makan mengikut jenis restoran dan lokasi memandangkan terdapat sesetengah pengusaha mengenakan harga yang tinggi dan berbeza antara satu-satu restoran walaupun berada di lokasi yang sama dan bahan-bahan untuk membuat minuman adalah sama.
14. PR-1332-L68516
Tuan Ahmad Marzuk bin Shaary [Bachok] minta **MENTERI SUMBER ASLI DAN ALAM SEKITAR** menyatakan jumlah kos dan risiko cadangan pembinaan empangan dan tebatan banjir di Kelantan. Berapakah jumlah dan jenis pokok yang ditanam serta keluasan penanaman bagi mengatasi permasalahan banjir.
15. PR-1332-L68604
Dato' Sri Haji Abdul Azeez bin Abdul Rahim [Baling] minta **MENTERI BELIA DAN SUKAN** menyatakan apakah pelan pembangunan Kerajaan bagi meningkatkan taraf kualiti sukan terutamanya di kawasan luar bandar di mana masih ramai anak-anak kampung yang amat dahagakan tempat untuk beriadah dan bersukan yang elok seperti padang bola, gelanggang futsal atau dewan badminton memandangkan masih banyak kampung-kampung di kawasan pedalaman tidak mempunyai padang bola atau gelanggang untuk bersukan.
16. PR-1332-L69386
Tuan Mohamed Azmin bin Ali [Gombak] minta **PERDANA MENTERI** menyatakan apakah impak kepada peserta 'Vendor Development Programme' Petronas ekoran dari kejatuhan harga minyak.
17. PR-1332-L67552
Datuk Madius Tangau [Tuaran] minta **MENTERI TENAGA, TEKNOLOGI HIJAU DAN AIR** menyatakan langkah-langkah yang diambil untuk memastikan bekalan elektrik sentiasa ada dan tidak selalu terganggu sehingga menjejaskan pembangunan sektor ekonomi di Sabah.
18. PR-1332-L68828
Dato' Ngeh Koo Ham [Beruas] minta **MENTERI KESIHATAN** menyatakan sama ada penyakit Thalassaemia boleh dirawat di Malaysia. Nyatakan kenapa ramai pesakit penyakit ini terpaksa mendapat rawatan Cord Blood Transplantation (CBT) di negara Taiwan.
19. PR-1332-L67606
Dato' Haji Abdul Rahman bin Haji Mohamad [Lipis] minta **MENTERI SUMBER ASLI DAN ALAM SEKITAR** menyatakan sama ada Kerajaan bercadang membuat pemantauan alam sekitar seperti penebang haram, penerokaan haram tanah dan lombong menggunakan teknologi tinggi seperti satelit dan helikopter tanpa pemandu.

20. PR-1332-L69028
Tuan Er Teck Hwa [Bakri] minta **MENTERI KEMAJUAN LUAR BANDAR DAN WILAYAH** menyatakan jumlah enrolmen pelajar dan bilangan guru-guru, kemudahan prasarana yang disediakan, peruntukan yang disalurkan kepada setiap Tabika dan Taska KEMAS mengikut senarai Tabika dan Taska sedia ada dan akan dibina setiap tahun dari 2010 hingga kini.
21. PR-1332-L67779
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan apakah benar nilai saham Felda Global Ventures Bhd. sedang berada di paras yang amat rendah. Jika benar, apakah pelan tindakan FELDA dan Kerajaan untuk mengangkat semula nilai saham FGV ini.
22. PR-1332-L68300
Tuan Shamsul Iskandar bin Mohd Akin [Bukit Katil] minta **MENTERI SUMBER ASLI DAN ALAM SEKITAR** menyatakan apakah langkah segera yang akan diambil oleh Kerajaan untuk memudahkan prosiding tuntutan harta pusaka yang mengambil masa yang panjang serta menelan kos yang tinggi dan menyebabkan banyak harta lambat untuk dituntut oleh pewaris.
23. PR-1332-L68903
Datuk Aaron Ago anak Dagang [Kanowit] minta **MENTERI DALAM NEGERI** menyatakan apakah tindakan Kerajaan terhadap golongan melampau yang akan membawa kesan buruk kepada kedamaian negara dan keharmonian antara kaum dan agama di negara ini.
24. PR-1332-L67760
Dato' Haji Zainudin bin Ismail [Jelebu] minta **MENTERI DALAM NEGERI** menyatakan apakah OPS CANTAS di dalam usaha PDRM menangani jenayah kongsi gelap masih diteruskan dan minta PDRM menyatakan kesan dan kejayaan ops tersebut sehingga kini.
25. PR-1332-L69459
Datuk Raime bin Unggi [Tenom] minta **MENTERI KOMUNIKASI DAN MULTIMEDIA** menyatakan statistik pengguna di Malaysia yang menggunakan media sosial baru seperti Facebook, Twitter, Whatsapps dan Youtube pada tahun 2013, 2014 dan 2015.
26. PR-1332-L68273
Tuan Julian Tan Kok Ping [Stampin] minta **PERDANA MENTERI** menyatakan setiap program/projek yang telah diluluskan semenjak PRU-13 di kawasan Stampin oleh Kerajaan Persekutuan. Senaraikan status bagi setiap projek tersebut. Nyatakan secara terperinci garis panduan serta bagaimana Ahli Parlimen boleh membuat permohonan serta bagaimana Pejabat Pembangunan Persekutuan Negeri Sarawak boleh bekerjasama dengan Ahli Parlimen tersebut.

27. PR-1332-L67716
Datuk Dr. Makin @ Marcus Mojigoh [Putatan] minta **MENTERI KEWANGAN** menyatakan :-
- (a) sektor penerbangan manakah yang mendatangkan kerugian besar bagi Syarikat Penerbangan Malaysia Airlines Systems dan Maswing; dan
 - (b) berapa ramaikah kakitangan Mas dan Maswing yang akan diberikan Skim "Voluntary Separation Scheme" dalam penyusunan semula Syarikat Penerbangan Negara kelak.
28. PR-1332-L69123
Dato' Dr. Mujahid Yusof Rawa [Parit Buntar] minta **MENTERI BELIA DAN SUKAN** menyatakan berapakah jumlah peruntukan yang disalurkan kepada Badan Bukan Kerajaan (NGO) seperti Majlis Belia Malaysia dan apakah program yang mereka laksanakan yang memberikan manfaat kepada belia dalam negara.
29. PR-1332-L67729
Dato' Haji Irmohizam bin Haji Ibrahim [Kuala Selangor] minta **MENTERI PELANCONGAN DAN KEBUDAYAAN** menyatakan apakah usaha Kementerian untuk menggalakkan agensi-agensi pelancongan menawarkan pelbagai pakej pelancongan dengan mempromosikan budaya tempatan selaras dengan agenda Kementerian untuk merancakkan sektor pelancongan domestik seiringan dengan sambutan Tahun Festival Malaysia 2015.
30. PR-1332-L69338
Tuan Zairil Khir Johari [Bukit Bendera] minta **MENTERI PENDIDIKAN** menyatakan perincian tender projek 1BestariNet, termasuk semua syarikat dalam senarai terpilih (short-list), bidaan mereka dan sebab-sebab YTL Communications telah dipilih.
31. PR-1332-L67864
Dr. Lee Boon Chye [Gopeng] minta **MENTERI PERTANIAN DAN INDUSTRI ASAS TANI** menyatakan usaha-usaha yang diambil untuk meningkatkan pendapatan golongan petani.
32. PR-1332-L67671
Dr. Azman bin Ismail [Kuala Kedah] minta **PERDANA MENTERI** menyatakan sama ada Kerajaan berniat menyemak kembali fatwa berkaitan golongan transgender menukar jantina mereka memandangkan kita sekarang lebih faham berkenaan dengan keadaan yang disebut Gender Identity Dysphoria.

33. PR-1332-L68298
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI SUMBER MANUSIA** menyatakan industri sawit, elektronik dan pakaian Malaysia telah sekali lagi disenaraikan dalam List of Goods Produced by Child Labor or Forced Labor oleh United States Department of Labor pada 1 Disember 2014. Penyenaraian sawit adalah untuk kali ke-6 berturut-turut. Apakah bentuk tindakan proaktif yang telah dan akan diambil oleh Kementerian Sumber Manusia untuk mengeluarkan Malaysia dari senarai buruh paksa dan buruh kanak-kanak tersebut dengan kadar segera.
34. PR-1332-L68625
Dato' Kamarul Baharin bin Abbas [Telok Kemang] minta **MENTERI KEWANGAN** menyatakan sejauh manakah Jawatankuasa Fiskal komited dalam menangani isu hutang isi rumah rakyat yang terus meningkat yang mana pada waktu ini mencecah RM 940.4 bilion atau 87.9 % daripada KDNK memandangkan terdapat peningkatan kos sara hidup rakyat yang terus membebankan.
35. PR-1332-L67751
Tuan Wilson Ugak Kumbong [Hulu Rajang] minta **MENTERI PERTAHANAN** menyatakan apakah perancangan Kerajaan untuk meneruskan Projek Jiwa Murni bagi memperluaskan rangkaian jalan perhubungan bagi penduduk Pekan Belaga Ke Punan Bah kemudian disambung ke Nanga Merit dan akhirnya ke bahagian Kapit. Masyarakat mulai risau mengenai peristiwa bot karam pada tahun 2013 dan tiada jalan alternatif lain selain daripada jalan sungai.
36. PR-1332-L67792
Dato' Ahmad Fauzi bin Zahari [Setiawangsa] minta **MENTERI PELANCONGAN DAN KEBUDAYAAN** menyatakan adakah pihak Kementerian akan memaparkan pada orang ramai 31 buah syarikat yang telah disahkan melakukan penipuan ke atas pakej umrah yang ditawarkan bagi memberi peringatan kepada orang ramai agar berhati-hati dengan agensi-agensi pelancongan ini.
37. PR-1332-L68772
Dr. Tan Seng Giaw [Kepong] minta **MENTERI PELANCONGAN DAN KEBUDAYAAN** menyatakan peruntukan untuk promosi pelancongan, penyelenggaraan destinasi pelancong dan tahap pencapaian berbanding dengan negara maju.
38. PR-1332-L68773
Tuan Wong Tien Fatt @ Wong Nyuk Foh [Sandakan] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kerajaan bercadang untuk membina satu balai Bomba dan Penyelamat di kawasan Karamunting memandangkan banyak kes kebakaran berlaku di kawasan tersebut baru-baru ini kerana balai yang terdekat terletak agak jauh dari kawasan tersebut mengakibatkan berlakunya kelewatan untuk menyelamatkan nyawa.

39. PR-1332-L68497
Ir. Shaharuddin bin Ismail [Kangar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan jumlah Projek Perumahan Rakyat (PPR) dan Projek Perumahan Awam (PPA) yang terbengkalai dan usang yang perlu kepada pembaikan semula dan apakah Kementerian bercadang untuk memperluaskan pembinaan PPR ini serta membina Projek Perumahan Transit seperti yang telah dilaksanakan di bandar besar sebelum ini untuk memberikan peluang kepada rakyat di kawasan lain untuk turut menikmati kemudahan yang Kerajaan sediakan untuk kemaslahatan rakyat.
40. PR-1332-L67640
Datuk Haji Shabudin bin Yahaya [Tasek Gelugor] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah Kementerian bercadang untuk memperkenalkan 'sistem kupon' dalam sistem pembelian runcit seperti di Amerika Syarikat dan di negara maju lain.
41. PR-1332-L68796
Datuk Rozman bin Isli [Labuan] minta **MENTERI KEWANGAN** menyatakan mengapakah Pulau Labuan tidak dijadikan pusat operasi utama Pusat Kewangan Luar Pesisir Pantai dengan mensyaratkan semua syarikat-syarikat yang berdaftar untuk beroperasi penuh di Labuan seperti pusat-pusat yang lain di dunia bagi memastikan ekonomi spin off di Labuan terhasil dengan maksimumnya.
42. PR-1332-L69027
Tuan Er Teck Hwa [Bakri] minta **MENTERI DALAM NEGERI** menyatakan jumlah kemalangan di Persimpangan empat Jalan Buloh Kasap-Taman KSM-Taman Sri Alam, Daerah Segamat mengikut jenis kemalangan dan kadar kematian setiap tahun dari 2006 hingga 2015.
43. PR-1332-L68818
Tuan Tony Pua Kiam Wee [Petaling Jaya Utara] minta **MENTERI DALAM NEGERI** menyatakan kedudukan siasatan pihak polis ke atas penyelewengan dalam urusniaga 1MDB yang telah menyebabkan kerugian berbilion-bilion ringgit. Adakah Low Taek Jho telah disoal siasat sebab dokumen-dokumen yang terbongkar menunjukkan bahawa wang 1MDB telah disalurkan ke dalam akaun beliau.
44. PR-1332-L68549
Datuk Ahmad Jazlan bin Yaakub [Machang] minta **MENTERI KEWANGAN** menyatakan apakah impak positif yang telah diperoleh oleh Kementerian hasil daripada pengapungan terkawal harga minyak yang telah dilaksanakan sejak Disember lepas.
45. PR-1332-L67992
Dato' Wira Mohd Johari bin Baharom [Kubang Pasu] minta **MENTERI DALAM NEGERI** menyatakan tentang perlu atau tidak untuk dibuat bancian semula kedudukan negeri Sabah. Perkara ini perlu dibuat untuk menentukan jumlah sebenar penduduk negeri itu yang telah diputihkan statusnya daripada PATI.

46. PR-1332-L68716
Tuan Lim Lip Eng [Segambut] minta **MENTERI PENDIDIKAN** menyatakan insentif diskaun dan langkah-langkah bagi mengecualikan peminjam PTPTN daripada membayar semula hutang PTPTN, statistik tahunan bagi kutipan pembayaran balik pinjaman PTPTN dan jumlah masih tertunggak semenjak tahun 2010 serta jumlah peminjam PTPTN terkini yang disenarai hitam oleh Kerajaan.
47. PR-1332-L69274
Tuan Wan Hasan bin Mohd Ramli [Dungun] minta **PERDANA MENTERI** menyatakan jumlah rakyat Malaysia yang bekerja dan bermastautin di luar negara mengikut kepakaran dan nyatakan sektor atau sebab kenapa mereka cenderung untuk berkhidmat di luar negara.
48. PR-1332-L69117
Tan Sri Dato' Seri Abd Khalid bin Ibrahim [Bandar Tun Razak] minta **MENTERI SUMBER ASLI DAN ALAM SEKITAR** menyatakan perincian rancangan tebatan banjir menyeluruh di seluruh negara untuk lima tahun akan datang termasuk jumlah peruntukan, sumber pembiayaan, mekanisme spesifik mengikut ciri-ciri kawasan tertentu, kesan limpahan sosioekonomi setempat, impak persekitaran dan sebagainya.
49. PR-1332-L67927
Datuk Wee Jeck Seng [Tanjong Piai] minta **MENTERI PERDAGANGAN ANTARABANGSA DAN INDUSTRI** menyatakan berapa banyak Perusahaan Kecil Dan Sederhana (PKS) atau Small Medium Enterprises (SMEs) telah memanfaatkan dari program GoEx Programme seperti yang dicadangkan dalam Pelan Induk Perusahaan Kecil Dan Sederhana atau SME Masterplan (2012-2020).
50. PR-1332-L67564
Datuk Nur Jazlan bin Mohamed [Pulai] minta **MENTERI KEWANGAN** menyatakan bidang kuasa dan fungsi syarikat milik Kementerian Diperbadankan (MKD) serta milik Kementerian lain yang bertanggungjawab terhadap perumahan mampu milik dan adakah terdapat cadangan untuk mewujudkan syarikat tunggal yang bertanggungjawab terhadap rumah mampu milik bagi memastikan fokus Kerajaan menyediakan perumahan ini mencapai sasaran.
51. PR-1332-L69196
Dr. Haji Izani bin Haji Husin [Pengkalan Chepa] minta **MENTERI SAINS, TEKNOLOGI DAN INOVASI** menyatakan :-
- (a) berapa ramai saintis ulung yang telah dihasilkan negara mengikut bidang-bidang keperluan negara mengikut keutamaan; dan
 - (b) apakah jenis penciptaan saintis negara yang telah berjaya dihasilkan.

52. PR-1332-L67918
Datuk Haji Datu Nasrun bin Datu Mansur [Silam] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan melalui Akta Perlindungan Pengguna 1999 (APP 1999) sejauh manakah akta ini boleh melindungi pengguna yang berurusan melalui pembelian Internet. Memandangkan terdapat banyak peniaga internet yang gagal memberi kepuasan kepada pengguna di Malaysia.
53. PR-1332-L68998
Dr. Ismail bin Daut [Merbok] minta **MENTERI KESIHATAN** menyatakan dengan kerjasama KPDNKK memantau produk-produk kecantikan dan kosmetik yang sedang dijual secara berleluasa, contohnya di kompleks membeli-belah. Lebih-lebih lagi produk yang diimport dari negara jiran, di mana status halal dan selamat untuk digunakan adalah amat diragui.
54. PR-1332-L68700
Tuan Charles Anthony Santiago [Klang] minta **PERDANA MENTERI** menyatakan strategi Kerajaan untuk mendapat pandangan rakyat (public feedback) Malaysia mengenai pembinaan loji kuasa nuklear. Adakah Kerajaan memperoleh perkhidmatan firma-firma perhubungan awam untuk menjalankan kerja ini.
55. PR-1332-L68829
Dato' Ngeh Koo Ham [Beruas] minta **MENTERI PERUSAHAAN PERLADANGAN DAN KOMODITI** menyatakan berapakah jumlah wang yang telah diperuntukkan oleh Kerajaan kepada Kementerian untuk digunakan sebagai pinjaman (soft loan) kepada pengusaha-pengusaha tanaman pokok balak dan berapa lamakah secara purata pinjaman ini dapat dikeluarkan oleh Kementerian atau agensi Kerajaan apabila tuntutan dibuat selepas semua syarat-syarat telah dipenuhi.
56. PR-1332-L67972
Tuan Teo Kok Seong [Rasah] minta **MENTERI KEWANGAN** menyatakan :-
- (a) jumlah kenderaan rasmi yang disewa oleh Kerajaan sejak tahun 1993 sehingga tahun 2015 berdasarkan tahun dan jenis model kenderaan rasmi; dan
 - (b) harga sewaan bulanan untuk setiap unit kenderaan rasmi sejak tahun 1993 sehingga tahun 2015 berdasarkan jenis model kenderaan rasmi.
57. PR-1332-L68810
Tuan M. Kulasegaran [Ipoh Barat] minta **MENTERI DALAM NEGERI** menyatakan nama-nama pertubuhan tempatan dan organisasi antarabangsa yang telah diharamkan di Malaysia dan tarikh yang pertubuhan-pertubuhan tersebut telah diharamkan.

58. PR-1332-L69352
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PELANCONGAN DAN KEBUDAYAAN** menyatakan :-
- (a) statistik pelancong ke Terengganu bagi tahun 2013 dan 2014 serta unjuran pengunjung ke negeri ini sempena Tahun Festival Malaysia 2015; dan
 - (b) perancangan-perancangan yang sedang dan akan dilaksanakan dalam tempoh dua tahun akan datang bagi membangunkan tempat-tempat dan aset-aset pelancongan di Terengganu khususnya yang melibatkan pulau-pulau seperti Pulau Redang dan Pulau Perhentian.
59. PR-1332-L68734
Tuan Ignatius Dorell Leiking [Penampang] minta **MENTERI DALAM NEGERI** menyatakan perbezaan besar dengan jumlah penduduk yang diklasifikasikan sebagai kaum 'Melayu' di Sabah sepertimana yang dicatat dalam bancian penduduk Sabah pada tahun 2000 dan 2010; (menurut bancian penduduk Sabah pada tahun 2000 terdapat 303,497 yang diklasifikasikan sebagai kaum 'Melayu' dan menurut bancian penduduk Sabah pada tahun 2010 jumlah penduduk yang diklasifikasikan sebagai kaum 'Melayu' telah menurun ke hanya 184,197).
60. PR-1332-L69278
Tuan Haji Khalid bin Abdul Samad [Shah Alam] minta **MENTERI KEWANGAN** menyatakan :-
- (a) senarai penggunaan dana KWSP bagi pembiayaan Syarikat Milik Kerajaan GLC (contoh Pembinaan PFI, 1MDB, FGV) dan jumlah yang telah digunakan.; dan
 - (b) apakah ini punca mengapa KWSP tidak dapat membayar dividen yang baik kepada pencarum termasuk terpaksa membeli 50% MGS yang memberi pulangan dividen yang rendah sekitar 4% dan 5%.
61. PR-1332-L68250
Tuan Sim Tze Tzin [Bayan Baru] minta **PERDANA MENTERI** menyatakan kedudukan teruk Suruhanjaya Pilihan Raya dalam Electoral Integrity Report oleh Harvard University yang meletakkan Malaysia pada tangga 114 daripada 127 negara dikaji. Apakah tindakan Kerajaan seterusnya.
62. PR-1332-L69229
Tuan Ramkarpal Singh a/l Karpal Singh [Bukit Gelugor] minta **MENTERI DALAM NEGERI** menyatakan usaha-usaha yang diambil oleh pihak Kerajaan dan polis untuk menyiasat dakwaan-dakwaan terkini oleh Kpl Sirul Azhar bahawa beliau diarahkan untuk membunuh Altantuya Shaariibuu dan identiti individu yang memberi arahan tersebut.

63. PR-1332-L69476
Dato' Abdul Manan bin Ismail [Paya Besar] minta **MENTERI PENDIDIKAN** menyatakan pengenalan subjek baru mengenai Perlembagaan Persekutuan untuk diajar di peringkat sekolah rendah dan menengah di negara ini.
64. PR-1332-L68129
Dr. Ong Kian Ming [Serdang] minta **MENTERI PERTANIAN DAN INDUSTRI ASAS TANI** menyatakan kuantiti dan nilai beras yang diimport dari Vietnam ke Malaysia setiap tahun dari 2008 ke 2014 dan adakah beras import Vietnam ini digunakan sebagai beras ST15 di pasaran Malaysia atau pun untuk kegunaan yang lain.
65. PR-1332-L68240
Tuan Sim Chee Keong [Bukit Mertajam] minta **MENTERI KEWANGAN** menyatakan jumlah GST yang dikutip dalam bulan April 2015 mengikut pecahan industri dan negeri. Sila nyatakan sama ada jumlah ini mengikut ramalan Kerajaan.
66. PR-1332-L68849
Dato' Shamsul Anuar bin Haji Nasarah [Lenggong] minta **PERDANA MENTERI** menyatakan :-
- (a) setakat mana penyelesaian terhadap kemusnahan dan kerosakan harta individu dan awam akibat bencana banjir telah atau sedang dan akan dilaksanakan di seluruh negara ; dan
 - (b) berapakan perbelanjaan Kerajaan telah dikeluarkan bagi membantu mangsa-mangsa banjir dan kerosakan yang dialami melibatkan harta individu dan awam.
67. PR-1332-L68128
Tuan Tan Kok Wai [Cheras] minta **PERDANA MENTERI** menyatakan apa kaedah-kaedah pencegahan lebih ketat dan tegas yang telah diambil untuk menghentikan salah urus kewangan dan rasuah di semua Kementerian dan agensi-agensi Kerajaan.
68. PR-1332-L68882
Puan Hajah Normala binti Abdul Samad [Pasir Gudang] minta **MENTERI KEWANGAN** menyatakan adakah pihak Kementerian bercadang untuk mewajibkan semua peniaga yang layak mengenakan GST kepada pembeli agar mempamerkan sejenis lesen/kad khas yang diselaraskan oleh pihak Kementerian dan berapakah jumlah tangkapan yang telah dibuat terhadap peniaga yang tidak layak tetapi masih mengenakan GST kepada pembeli.
69. PR-1332-L69433
Tuan Manivanan a/l Gowindasamy [Kapar] minta **MENTERI PENDIDIKAN** menyatakan rasional bajet Pusat Perubatan Universiti Malaya (PPUM) dikurangkan daripada RM510 juta pada tahun 2014 kepada RM387 juta pada tahun 2015. Apakah kategori-kategori atau butiran-butiran yang mengalami penurunan mendadak ini secara terperinci.

70. PR-1332-L68642
Tuan Su Keong Siong [Ipoh Timor] minta **MENTERI PERDAGANGAN ANTARABANGSA DAN INDUSTRI** menyatakan secara terperinci langkah-langkah penambahbaikan yang telah dilaksanakan oleh Pemudah dalam tahun 2014. Adakah Kerajaan sedang mempertimbangkan sebarang langkah penambahbaikan yang akan dilaksanakan untuk Amanah Raya Berhad dari segi permohonan dan Pentadbiran Harta Pusaka.
71. PR-1332-L68353
Puan Teo Nie Ching [Kulai] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan sebab harga susu bayi dan lampin pakai buang tidak menurun selepas GST seperti yang dinyatakan dalam Panduan Harga Pengguna.
72. PR-1332-L68108
Puan Hajah Zuraida binti Kamaruddin [Ampang] minta **MENTERI LUAR NEGERI** menyatakan apakah pendirian Malaysia tentang status Kepulauan Spartly yang menjadi perebutan Negara China beberapa tahun dahulu.
73. PR-1332-L67536
Dato' Seri Ong Ka Chuan [Tanjong Malim] minta **MENTERI PERTANIAN DAN INDUSTRI ASAS TANI** menyatakan apakah perancangan Kementerian untuk membuka lebih banyak premis yang menyediakan peluang kepada golongan petani, nelayan dan penternak untuk menjual terus produk segar mereka kepada pengguna di negara ini.
74. PR-1332-L69176
Tuan Sim Tong Him [Kota Melaka] minta **MENTERI PERTANIAN DAN INDUSTRI ASAS TANI** menyatakan :-
- (a) jumlah import sayuran daripada tahun 2005 hingga 2015; dan
 - (b) kawasan tanaman sayuran di Cameron Highlands yang merupakan kawasan yang paling besar untuk pengeluaran sayur-sayuran.
75. PR-1332-L67578
Dato' Johari bin Abdul [Sungai Petani] minta **MENTERI KESIHATAN** menyatakan :-
- (a) berapa jumlah kes denggi yang dilaporkan diseluruh negara sejak Januari hingga Mac 2015; dan
 - (b) tidakkah Kementerian berhajat untuk membentuk satu pasukan dengan diberi peruntukan yang secukupnya bagi betul-betul membuat kajian dan penyelidikan bagi memerangi masalah ini.
76. PR-1332-L68575
Dato' Seri Reezal Merican bin Naina Merican [Kepala Batas] minta **MENTERI PERTAHANAN** menyatakan kemampuan dan keperkasaan Angkatan Tentera Malaysia, dalam berhadapan dengan sebarang ancaman serantau mahupun antarabangsa, untuk masa-masa yang mendatang ini.

77. PR-1332-L67862
Dr. Lee Boon Chye [Gopeng] minta **MENTERI PENGANGKUTAN** menyatakan usaha Kerajaan untuk meningkatkan penggunaan Lapangan Terbang Sultan Azlan Shah Ipoh.
78. PR-1332-L69397
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERDAGANGAN ANTARABANGSA DAN INDUSTRI** menyatakan langkah dan program Kerajaan sebagai pengerusi ASEAN bagi meningkatkan kerjasama dan integrasi dalam bidang perdagangan dan industri (trade and industry) di kalangan negara ASEAN termasuk projek kereta ASEAN, pembangunan keusahawanan dan sebagainya.
79. PR-1332-L68860
Datuk Wira Haji Ahmad bin Hamzah [Jasin] minta **MENTERI PERDAGANGAN ANTARABANGSA DAN INDUSTRI** menyatakan langkah Kementerian mengeksplotasi nilai ringgit yang di bawah paras sebenar dalam membuka peluang pelabur asing untuk melabur dan seterusnya menjadikan Malaysia sebagai destinasi pelaburan pilihan di rantau ini.
80. PR-1332-L68962
Dato' Mansor bin Othman [Nibong Tebal] minta **MENTERI KEWANGAN** menyatakan dengan terperinci hutang-hutang negara dan langkah-langkah yang sedang dan akan diambil bagi menangani kepincangan ini.
81. PR-1332-L68162
Dato' Ir. Haji Nawawi bin Ahmad [Langkawi] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah Kerajaan bercadang untuk mengarahkan pekedai menggunakan warna berasingan pada tanda harga GST dan sifar GST agar pengguna tidak keliru dan lebih berhati-hati dalam pembelian barangan keperluan mereka.
82. PR-1332-L68176
Tuan Nga Kor Ming [Taiping] minta **MENTERI KEWANGAN** menyatakan :-
- (a) berapakah jumlah dana yang sedia ada di bawah pengurusan KWSP dan keuntungan yang diperoleh; dan
 - (b) dari segi pelaburan KWSP, berapakah terdiri dari pelaburan domestik dan berapa pula pelaburan di luar negara dan berapakah dana KWSP merupakan pinjaman kepada kerajaan dan berapa peratus pulangannya.
83. PR-1332-L67886
Tuan Hee Loy Sian [Petaling Jaya Selatan] minta **MENTERI KERJA RAYA** menyatakan :-
- (a) rasional Kerajaan meluluskan lanjutan kutipan tol selama 20 tahun di Lebuhraya Persekutuan Plaza Tol Batu Tiga dan Sungai Rasau sehingga tahun 2038 yang sepatutnya tamat kutipan pada tahun 2018; dan

- (b) adakah lanjutan ini akan diguna pakai untuk lebih raya-lebih raya lain memandangkan Kerajaan tidak membenarkan kenaikan kadar tol.

84. PR-1332-L68891

Tuan Fong Kui Lun [Bukit Bintang] minta **MENTERI PERDAGANGAN ANTARABANGSA DAN INDUSTRI** menyatakan jumlah dan bilangan Syarikat Malaysia yang melabur di luar negara dan bagaimanakah prestasi mereka.

ATURAN URUSAN MESYUARAT DAN USUL-USUL

1. Usul dibuat oleh Perdana Menteri dan masalah dicadangkan :-

“Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

meluluskan pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

Bahawa dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

Menyambung semua Perbahasan atas masalah [9 Jun, 2015]

- | | | | |
|----|----------------|--|-------------------------------|
| 2. | (D.R. 18/2015) | Rang Undang-undang Antipemerdagangan Orang dan Antipenyeludupan Migran (Pindaan) 2015- Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015) | |
| | | [Menteri Dalam Negeri] | |
| 3. | (D.R. 19/2015) | Rang Undang-undang Kebajikan Haiwan 2015 | Bacaan Kali Yang Kedua |
| | | [Menteri Pertanian dan Industri Asas Tani] | |
| 4. | (D.R. 20/2015) | Rang Undang-undang Institusi Kewangan Pembangunan (Pindaan) 2015 | “ |
| | | [Menteri Kewangan] | |
| 5. | (D.R. 9/2015) | Rang Undang-undang Kanun Tatacara Jenayah (Pindaan) 2015 | “ |
| | | [Menteri Dalam Negeri] | |

6. (D.R. 12/2015) Rang Undang-undang Keterangan “
(Pindaan) 2015

[Menteri di Jabatan Perdana Menteri]

7. (D.R. 24/2014) Rang Undang-undang Dadah Berbahaya “
(Pindaan) (No.2) 2014

[Menteri Kesihatan]

8. PR-1332-U67740
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

9. PR-1332-U67741
Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara.

Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

10. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

11. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

13. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

14. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

15. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

16. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah.

Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

17. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

18. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

19. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

20. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

21. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR. 4	Laporan Jawatankuasa Kira-Kira Wang Negara Parlimen Ketiga Belas - Pengurusan Mesin Pengimbas Kargo (Jabatan Kastam DiRaja Malaysia)	10 Jun 2015
ST. 68	Laporan Tahunan Dan Penyata Kewangan Lembaga Pemantauan Audit Bagi Tahun 2014	10 Jun 2015

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 10.6.2015 (Rabu)	1. YB. Tuan Hee Loy Sian (Petaling Jaya Selatan)	1. Penipuan Skim Pelaburan Kayu Gaharu Kemboja oleh UNIGROW (CAMBODIA) Co.LTD dan UNIGROW (MALAYSIA) SDN BHD	1. YB Menteri Kewangan
2. 10.6.2015 (Rabu)	2. YB. Puan Teresa Kok Suh Sin (Seputeh)	2. Persoalan Tentang Pembangunan 2 Blok Pangsapuri di Pasar Pagi di Lot PT 7009 HSD 98369 di Jalan Raden Tengah, Sri Petaling	2. YB Menteri Wilayah Persekutuan